

四庫全書

集部

欽定四庫全書

算部

御定全唐詩卷六百五十一至
三

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官庶吉士臣范 鏊

謄錄監生臣戴祖單

欽定四庫全書

御定全唐詩卷六百五十一

方干

山中言事

日與村家事漸同燒松一作畚啜茗學鄰翁池塘月撼芙

蕩浪窗戶涼生薜荔風書幌晝昏嵐氣裏巢枝俯一作夜

折雪聲中山陰釣叟無知己窺鏡得多鬢欲空

題陶詳校書陽羨隱居

芸香署裏從容步，陽羨山中嘯傲情。
竿底紫鱗輸釣伴，花邊白犬吠流鶯。
長潭五月含冰氣，孤檜中宵學一作帶雨聲。
便泛扁舟應未得，鷗夷棄相始垂名。

秋晚林中寄賓幕

八月蕭條九月時，沙蟬海燕各分飛。
杯盃未稱嘗生酒，砧杵先催試熟衣。
泉漱玉聲衝石竇，橘垂朱實壓荆扉。
無過縱有家山思，印綬留連爭得歸。

與鄉人鑒休上人別

此日因師話鄉里故鄉風土我偏諳一枝一作竹葉如
溪北半樹梅花似嶺南山夜獵徒多信犬雨天村舍未
催蠶如今休作還家意兩鬢垂絲已不堪

送王霖赴舉

自古主司看

堪一作

薦士明年應是不參差須憑吉夢為

先兆必恐長才偶盛時北闕上書衝雪早西陵中酒趁
潮遲却說可要真消息只向春前便得知

思越中舊遊寄友

甸外山川無越國依稀只似劍門西鏡中疊浪搖星斗
城上繁花咽鼓鞀斷臂青猿啼玉筍成行白鳥下耶溪
此中一作早年曾是同遊處迢遞尋君夢不迷

陪胡中丞泛湖

仙舟仙樂醉行春上界稀逢下界人綺繡峯前開野鶴
旌旗影裏見遊鱗澄潭徹底齊心鏡雜樹含芳讓錦茵
凡許從容誰不幸就中光顯是州民

叙雪獻員外

紛紜宛轉更堪看
壓竹摧巢井徑漫
風柳細條粘不得
春溪綠色蔽應難
清輝直認中庭月
濕氣偏添半夜寒
謝守來吟才更逸
郢詞先至彩毫端

王將軍

大志無心守章句
終懷上畧致殊功
保寧帝業青萍在
投棄儒書絳帳空
密雪曙連蔥嶺道
青松夜起柳營風
將星依舊當文座
應念愚儒命未通

陽亭言事獻漳州于使君

重疊山前對酒樽，騰騰兀兀度朝昏。平明疎磬白雲寺，
遙夜孤砧紅葉村。去鳥豈知煙樹遠，驚魚應覺露荷翻。
旅人寄食逢黃菊，每見故鄉一作北人一作辰思故園。

海石榴

亭際天妍日日看，每朝顏色一般般。滿枝猶待春風力，
數朶先欺臘雪寒。舞蝶似隨歌拍轉，遊人只怕酒杯乾。
久長年少應難得，忍不叢邊到夜觀。一作歡

嘉興許明府

攜李轉聞風教好重門夜不上重闔腰懸墨綬三年外
身去青雲一步間勤苦字人酬帝力從容對客問家山
升沈路別情猶在不忘鄉中舊往還

再題路支使南亭

行處避松兼礙石即須門徑落斜開愛邀舊友看漁釣
貪聽新禽駐酒杯樹影不隨明月去溪聲一作常送落
花來睡時分得江淹夢五色毫端弄逸才

路支使小池

廣狹偶然非製定猶將方寸像滄溟一泓春水無多浪
數尺晴天幾箇星露滿玉盤當半夜匣開金鏡在中庭
主人垂釣常來此雖把魚竿醉未醒

哭江西處士陳陶

壽盡天年命不通釣溪吟月便成翁雖云掛劍來墳上
亦恐藏書在壁中巢父精靈歸大夜客兒才調振遺風
南華至理須齊物生死即應無異同

越中言事二首

咸通八年瑯琊公到任後作

異術閑和合聖明湖光浩氣共澄清
郭中雲吐啼猿寺
山上花藏調角城香起荷灣停棹飲
絲垂柳陌約鞭行
遊人今日又明日不覺鏡中新髮生

雲霞水木共蒼蒼元化分功秀一方
百里湖波輕撼月
五更軍角慢吹霜沙邊賈客喧魚市
島上潛夫醉笋莊
終歲逍遙仁術內無名甘老買臣鄉

題龍瑞觀兼呈徐尊師

或雨或雲常不定地靈雲雨自無時
世人莫識神方字

仙鳥偏棲藥樹枝

一作深

壑度年如晦
暝陰溪入夏有

凌澌此中唯有

一作是

師知我未得尋師
即夢師

送陳秀才將遊雪上便議北歸

婆娑戀酒山花盡
繞還家水路通
轉檝擬從

一作投

青

草岸吹帆猶是白蘋風
淮邊欲暝軍鼙急
洛下先寒苑樹空
詩句因余更孤峭
書題不合忘江東

送吳彥融赴舉

用心精至自無疑
千萬人中似汝稀
上國纔將五字去

全家便待

一作望

一枝歸西陵柳路搖鞭盡北固潮程掛

席飛想見明年榜前事當時分散著來衣

同蕭山陳長官

一作明府

縣樓登望

坐看南北與西東遠近無非禮義中一縣繁花香送雨

五株垂柳綠牽風寒濤

一作畫潮

背海

一作郭

喧還靜驛路穿

林斷復通仲叔受恩多感戀裴回却怕酒壺空

送何道者

何事忽來還忽去孤雲不定鶴情高真經與術添年壽

靈藥分功入鬚毛必擬一身生羽翼
終看陸地作波濤
遍尋虫洞求仙者即恐無人似爾曹

酬將作于少監

由來至寶出毫端
五色彩光照室寒
仰望孤峰知聳峻
前臨積水見波瀾
水絲織絡經心久
瑞玉雕磨措手難
不是散齋兼拭目
尋常未便借人看

雪中寄殷道士

大片紛紛小片輕
雨和風擊更一作亂
縱橫園林入夜寒

光動窗戶凌晨濕氣生蔽野吞村飄未歇推巢壓竹密

無聲山陰道

一作高

士吟多

一作多吟

興六出花邊五字成

宋從事

出衆仙才是謫仙裁霞曳繡一篇篇雖將潔白酬知己
自有風流助少年欹枕卧吟荷葉雨持杯坐醉菊花天
冥搜太苦神應乏心在虛無更那邊

出山寄蘇從事

寸心似火頻求薦兩鬢如霜始息機隔岸雞鳴春耨去

鄰家犬吠夜漁歸倚松長嘯宜疎拙拂石欹眠絕是非
多謝元瑜憐野賤時迴車馬發光輝

送杭州李員外

政成何用滿三年上界羣仙待謫仙便赴一作副新恩歸

紫禁還從舊路上青天笙歌怨咽當離席更漏丁東在

畫船必恐一作正殿駐班留立位前程一步一作前頭咫尺是爐煙

贈李支使

藥成平地是寥天三十人中最少年白雪振聲來輦下

青雲開路到牀前
公卿位近應翹足
荀宋才微可拍肩
一等孔門為弟子
愚儒獨自賦歸田

盧卓

一作卓

山人畫水

常聞畫石不畫水
畫水至難君得名
海色未將藍汁染
筆鋒猶傍墨花

一作土堆

行散吞高下
應無岸斜蹙
東南勢

欲傾坐久神迷
不能決却疑身
在小蓬瀛

廢宅

主人何處獨
裊回流水自流
花自開若見故
交皆散去

即應新燕不歸來
入門繚繞穿荒竹
坐石逡巡染綠苔
應是曾經惡風雨
修桐半折損琴材

題寶林山禪院

山捧亭臺郭遶山
遙盤蒼翠到山巔
嶺中古井雖通海
窟裏陰雲不上天
羅列衆星依木末
周廻一作萬室在

簷前我來可要歸

一作師

禪老一寸寒灰已達元

題越州

南有

袁秀才林亭

清邃林亭指畫開
幽巖別派像天台
坐牽蕉葉題詩句

醉觸藤花落酒杯白鳥不歸山裏去紅鱗多自鏡中來
終年此地為吟伴一作早起尋君薄暮廻

題龜山穆上人院

修持百法

一作白髮

過半百日往月來心更堅牀上水雲隨

坐夏林西山月伴行禪寒蛸遠韻來窗裏白鳥斜行起
硯邊我愛尋師師訪我只應尋訪是因緣

贈美人四首

直緣多藝用心勞心路玲瓏格調高舞袖低徊真蛺蝶

朱唇深淺假櫻桃粉眉半掩疑晴雪醉眼斜迴小樣刀
才會雨雲須別去語慙不及琵琶槽

嚴冬忽作看花日盛暑翻為見雪時坐上弄嬌聲不轉
尊前掩笑意難知含歌媚盼如桃葉妙舞輕盈似柳枝
年幾未多猶怯在些些私語怕人疑

酒蘊天然自性靈人間有藝總關情剔葱十指轉籌疾
舞柳細腰隨拍輕常恐曾前春雪釋惟愁座上慶雲生
若教梅尉無仙骨爭得仙娥駐玉京

昔日仙人今玉人
深冬相見亦如春
倍酬金價微含笑
纔發歌聲早動塵
昔歲曾為蕭史伴
今朝應作宋家鄰
百年別後知誰在
須遣丹青畫取真

聽段處士彈琴

幾年調弄

一作
化作

七條絲元化分
功十指知泉迸
幽音離

石底松含細韻
在霜枝窗中
顧兔初圓
夜竹上寒蟬
盡

散時唯有此時
心更靜
聲聲可

一作
堪

作後人師

初歸鏡中寄陳端公

去歲離家今歲歸孤帆夢向鳥前飛必知蘆笋侵沙井

無被藤花占石磯雲鳥採茶常失路雪龕一作中酒不

關一作扉故交若問道遙事元冕何曾勝葦衣

再題龍泉寺上方

牛斗正齊羣木末鳥行橫截衆山腰路盤砌下無穿竹
井在巖頭亦統潮海岸四更看日出石房三月任花燒
未能割得繁華去難向此中甘寂寥

于秀才小池

一泓激灑復澄明
半日功夫斲小庭
占地未過四五尺

浸天

一作侵山

唯一作應

入兩三星鷁舟草際浮
霜葉魚火沙

邊駐小

一作水

螢纔見規模識
方寸知君

一作始知

立意象滄

溟

叙錢塘異勝

暖景融融寒景清
越臺風送曉鐘聲
四郊遠火燒煙月
一道驚波撼郡城
夜雪未知東岸綠
春風猶放半江晴
謝公吟處依稀在
千古無人繼盛名

贈中巖王處士

垂楊裊裊草芊芊氣象清深

一作虛

似洞天援筆便成鸚

鵝賦洗花須用桔槔泉商於避世堪同日渭曲逢時必
有年直恐剛腸閒未得醉吟爭奈被才牽

初歸故里獻侯郎中

常思舊里欲歸難已作歸心即自寬此日早知無爵位
當時便合把漁竿朝昏入閨春將逼城邑多山夏却寒
不是幽愚望榮忝君侯異禮亦何安

歸睦州中路寄侯郎中

顏巷蕭條知命後，膺門感激受恩初。
却容鶴髮還螭舍，猶夢漁竿從隼旗。
新定暮雲吞故國，會稽春草入貧居。
鄉中自古為儒者，誰得公侯降尺書。

題報恩寺上方

客來先上上方看，眼界無窮世界寬。
巖溜噴空晴似雨，林蘿礙日夏多寒。
衆山迢遞皆相疊，一路高低不記盤。
清峭關心惜歸去，他時夢到亦難判。

送永嘉王令

一作明府

之任二首

定擬孜孜化海邊

一作墟

須判素髮悔流年
波濤不應雙

溪水分野長如二月天
浮客若容開荻地
釣翁應免稅

苔田前賢未必全
堪學莫讀當時歸去篇

雖展縣圖如到縣
五程猶入縉雲東
山間閣道盤巖

一作

花底海界孤峰

一作村

在浪中禮法未聞離
漢制土宜多

說似吳風字人若用
非常術唯要旬時便立功

鹽官王長官新創瑞隱亭

指畫便分元化力周迴秀絕自清機孤雲戀石一作樹尋
常住落絮縈風特地飛雛鳥啼花催釀酒驚魚濺水誤
沾衣明年秋滿難將去何似先教畫取歸

李戶曹小妓天得善擊越器以成曲章

越一作白器敲來曲調成腕頭勻滑一作細自輕清隨風搖

曳有餘韻測水淺深多泛聲晝漏丁當相續滴一作次發寒

蟬計會一時鳴若教進上梨園去一作從今已得佳聲出衆樂無

由更擅名

歲晚言事寄鄉中親友

急景蒼茫晝若昏
夜風乾峭觸前軒
寒威半入龍蛇窟
暖氣全歸草樹根
蠟燭凝來多碧焰
香醪滴處有冰痕
尺書未達年應老
先被新春入故園

贈孫百篇

御題百首思縱橫
半日功夫舉世名
羽翼便從吟處出
珠璣續向筆頭端一作生
莫嫌黃綬官資小一作少
必料青雲道路平
才子風流復年少
無愁高卧不公卿

贈夏侯評事

傍窺盛德與高節，緬想應無前後人。
講論參同深到骨，停騰姹女立成銀。
碁功過却楊元寶，易義精於梅子真。
朱紫侯門猶不見，可知岐路有風塵。

送鄭端公

聖主佇知宣室事，豈容才子滯長沙。
隨一作隋珠北去方

酬德趙璧當時一作前時誤，指瑕驄馬將離江。
浦月繡衣却

照禁中一作錦林花應憐寂寞，滄洲客煙漢一作霄壤塵泥相去

餘

題故人廢宅二首

舉目淒涼入破門，
鮫人一飯尚知恩。
閑花舊識猶含笑，
怪石無情更不言。
樵叟和巢伐桃李，
牧童無草踏蘭蓀。
壺觴笑詠隨風去，
唯有聲聲蜀帝魂。

寒莎野樹入荒庭，
風雨蕭蕭不掩扃。
舊徑已知無孟竹，
前溪應不浸荀星。
精靈消散歸寥廓，
功業傳留在誌銘。
薄暮停車更悽愴，
山陽隣笛若為聽。

寄于少監

修持清

一作精

苦振佳

一作家

聲衆鳥那知一鷄情躡履三

千皆後學搏風九萬即前程名將日月同時朽身是山

河應數生

一作世生

從此雲泥更懸闊漁翁

一作演公

不合見公

卿

和剡縣陳明府登縣樓

郭裏人家如掌上簷前樹木映窗樞煙霞若接天台地
分野應侵婺女星驛路古今通北關仙溪日夜入東溟

綠衣才子多吟嘯公退時時見畫屏

項洙處士畫水墨釣臺

畫石畫松無兩般猶嫌瀑布畫聲難雖云智惠生靈府
要且功夫在筆端潑處便連陰洞黑添來先向朽枝乾
我家曾寄雙臺下往往開圖盡日看

御定全唐詩卷六百五十一

欽定四庫全書

御定全唐詩卷六百五十二

方干

贈天台葉尊師

莫

一作難

見平明離少室須知

一作猶須

薄暮入天台常時愛

縮山川去有夜自

一作曾

攜星月來靈藥不知何代得古

松應是長

一作少

年栽先生暗笑看

一作觀

碁者半局碁邊

白髮催

寄台州孫從事百篇

登第初授
華亭尉

聖世

一作代

科名酬志紫仙州

一作山川

秀色

一作絕

助神機梅

真入仕提雄筆阮瑀從軍著綠衣晝寢不知山雪積春

遊應越

一作越

夜潮歸相思莫訝音書晚

一作絕

鳥去猶須

疊

一作累

日飛

送睦州侯郎中赴闕

昔著政聲聞國外今留儒術化江東青雲舊路歸仙掖

白鳳

一作雪

新詞入聖聰弦管未知銀燭曉旌旗

一作旗

旂已

侍

一作待

錦帆風郡人難議

一作誰識

酬恩德徧在三年禮遇

中

朱秀才庭際薔薇

繡難相似畫難真

一作成

明媚鮮妍絕比倫露壓盤條方

到地風吹艷色欲燒春
斷霞轉影侵西壁濃麝分香入

四隣看取後時歸故里庭花應讓

一作爛花須讓

錦衣新

登龍瑞觀北巖

縱目下看浮世事方知峭崿與天通
湖邊風力歸帆上

嶺頂雲根在雪中
促韻寒鐘催落照
斜行白鳥入遙空
前人去後後人至
今古異時登眺同

送婺州許錄事

之官便是還鄉路
白日堂堂著錦衣
八詠遺風資逸興
一溪寒色助清威
曙星沒盡提綱去
暝角吹殘鑠印歸
笑我中年更愚僻
醉醒多在釣漁磯

題龍泉寺絕頂

未明先見海底日
良久遠鷄方報晨
古樹含風長帶雨

寒巖四月始知春，中天氣爽星河近。
下界時豐雷雨勻，前後登臨思無盡。
年年改換去一作往來人。

贈上虞胡少府百篇

求仙不在鍊金丹，輕舉由來別有門。
日晷未移三十刻，風騷已及四千言。
宏才尚遣居卑位，公道何曾雪至冤。
歛板塵中無恨色，應緣利祿副晨昏。

上鄭員外

為郡至公無至察，古今能有幾多人。
憂民一作亦似清

吟苦守節還如未達貧利
必從前堪切玉澄潭到底不
容塵潛夫豈合干旌旆
甘棹漁舟下釣綸

桐廬江閣

風煙百變無定態
緬想畫人虛損心
卷箔檻前沙鳥散
垂鈎牀下錦鱗沈
白雲野寺凌晨磬
紅樹孤村遙夜砧
此地四時拋不得
非唯盛暑事開襟

題澄聖塔院上方

地靈直是饒風雨
杉檜老於雲雨間
只訝窗中

一作常前

見海方知砌下更多一作不離山遠泉勢曲猶須引野果枝
低可要攀若把重門諭玄寂何妨善閉却無關

僧院小泉井

亦恐淺深同禹穴無云制度象汗樽窺尋未見泉來路
緬想應穿石裂痕片段似冰猶可把澄清如鏡不曾昏
欲知到底無塵染堪與吾師比性源

過姚監故居

一作經陸
補闕故居

不敢要君徵亦起致君全得似唐虞謹言昨歎離天聽

新塚今聞入縣圖琴鎖壞窗風自觸鶴歸喬木月

一作日

難呼學書

一作詩

弟子何人在檢點猶逢諫草無

陪李郎中夜晏

間世星郎夜晏時丁丁寒漏滴聲稀

一作微

琵琶弦促

一作

急千般語

一作調

鸚鵡杯深四散飛遍請玉容歌白雪高

燒紅蠟

一作燭

照朱衣人間有此榮華事

一作人間盛事猶如此

爭

遣漁翁戀釣磯

狂寇後上劉尚書

孫武傾心與萬夫，削平妖孽在斯須。
纔施偃月行軍令，便見台星逼座隅。
獨柱撐天寰海正，雄名蓋世古今無。
聖君爭不酬功業，仗下高懸破賊圖。

劉尚書新創敵樓二首

下馬政成無一事，應須勝地過朝昏。
笙歌引出桃花洞，羅繡擁來金谷園。
十里水雲吞半郭，九秋山月入千門。
常聞大廈堪棲息，燕雀心知不敢言。

異境永為歡樂地，歌鐘夜夜復年年。
平明旭日生牀底，

薄暮殘霞落酒邊
雖向檻前窺下界
不知窗裏是中天
直須分付丹青手
畫出旌幢遶謫仙

贈李邦端公

非唯孤峭與世絕

一作飛動

吟處斯須能變通
物外搜羅歸

一作添

大雅毫端剪削有餘功
山川正氣侵靈府
雪月清

輝引思風別得人
間上昇術丹霄路在
五言中

送孫百篇遊天台

東南雲

一作去

路落斜行入樹穿
村見赤城遠近常時

一作

聞皆藥氣高低無處不泉聲映巖日一作月向牀頭沒濕
燭雲從柱底生更有仙花與靈鳥一作草恐君多半未一作

不知名

陸山

陸上一作

人畫水

毫末用功成一水水源山脉固難尋逡巡便可見波浪
咫尺不能知淺深但有片雲生海口終無明月在潭心
我來擬學磻溪叟白首釣璜非陸沈

郭中山居

莫見一瓢離樹上猶須四壁在林間沈吟不寐先聞角
屈曲登高自有山濺石迸泉聽未足亞窗紅果卧堪攀
公卿若便遺名姓却與禽魚作往還

雪中寄李知誨判官

聚散聯翩急復遲解將華髮兩相欺雖云竹重先藏路
却訝巢傾不損枝入戶便從風起後照窗翻似月明時
此時門巷無行跡塵滿尊罍誰得知

途中言事寄居遠上人

舉目時時一作看似故園鄉心自動向誰言白雲曉濕寒

山寺紅葉夜飛明月村震澤風帆歸橘岸錢塘水府抵
城根羨師了達無牽束竹徑生苔掩竹門

雪中寄薛郎中

野禽未覺巢枝仄稚子先憂徑竹摧半夜忽明非月午
前庭旋釋被春催碎花若入樽中去清氣應歸筆底來
深擁紅爐聽仙樂忍教愁坐畫寒灰

題盛令新亭

舉目豈知新智慧存思便是小天台偶嘗嘉果求枝去
因問名花寄種一作子來春物誘才歸健筆夜歌牽醉入
叢杯此中難遇道遙事計日應為印綬催

贈鄭仁規

一石雄才獨占難應分二斗借人寰澄心不出風騷外
落筆全歸教化間蓮幕未來須更聘桂枝纔去即先攀
可憐麗句能飛動荀宋精靈亦厚顏

送縉

一作晉

陵王少府赴舉

一作選

相看不忍盡離觴
五兩牽風速去檣
遠驛新砧應弄月
初程殘角未吹霜
越山直下分吳苑
淮水橫流入楚鄉
珍重鄰家好兄弟
明年祿位在何方

路入剡中作

截灣衝瀨片帆通
高枕微吟到剡中
掠草並飛憐燕子
停橈獨飲學漁翁
波濤漫撼長潭月
楊柳斜牽一岸風
便擬乘槎應去得
仙源直恐接星東

東山瀑布

遙夜看來疑月照平明失去

一作却

被雲迷掛巖遠勢穿

松島

一作塢

擊石

一作落地

殘聲注稻畦素色噴成三伏雪餘

波流作萬年溪不緣

一作若非

真宰能開決應向前山

一作山前

雜淤泥

水墨松石

三世精能舉世無筆端狼籍見功夫
添來勢逸陰崖黑
潑處痕輕灌木枯
垂地寒雲吞大漠
過江春雨入全吳
蘭堂坐久心彌惑
不道山川是畫圖

獻浙東王大夫二首

出鎮當時移越俗致君何日不堯年到來唯飲長溪水
歸去應將一箇錢吟處美人擎筆硯行時飛鳥避旌旃
四方皆是分憂寄獨有東南戴二天

王臣夷夏仰清名領鎮猶為失意行已見玉璜曾上釣
何愁金鼎不和羹譽將星月同時朽身應山河滿數生
泥滓雲霄至懸閣漁翁不合見公卿

越州使院竹

莫見凌風

一作雲

飄粉穠須知礙石作盤根細看枝上蟬

吟處猶是筍時蟲蝕痕月送綠陰斜上砌露凝

一作寒

色濕遮門列仙終日逍遙地烏雀潛來不敢喧

題贈李校書

名場失手一年年月桂嘗聞到手邊誰道高情偏似鶴
自云長嘯不如蟬衆花交豔多成實深井通潮半雜泉
却是偶然行未到元來有路上寥天

送王侍郎浙東入朝

自將苦節酬清秩，肯要厖眉一箇錢。
恩愛已蘇句踐國，程途却上大羅天。
魚池菊島還公署，沙窻松栽入畫船。
密奏無非經濟術，從容幾刻在爐煙。

贈黃處士

閉戶先生無是非，竹灣松樹

一作榭

藕苗

一作絲

衣愁吟密

雪思難盡，醉倒殘

一作落

花扶不歸，若出薜蘿迎窻簡，應

拋舴艋，別漁磯，到頭苦節終何益，空改文星作少微。

獻王大夫二首

都緣聲價振皇州高卧中條不自由一作赴早副一作急徵來

鳳沼

一作闕

常陪內宴醉龍樓鏘金五字能拔筆鈞玉三

年信直鈞必恐借留終

一作應

不遂

一作得

越人相顧已先

一作生愁

功成猶自更行春塞路旌旗十里塵只用篇章為教化
不知夷夏望陶鈞金童照耀浮光動玉面生獰細步勻
歷任聖朝清峻地至今依一作休是少年身

贈五

一作玉

牙山人洗

一作沈

修白

變通唯在片時間此事全由一粒丹若取壽長延至易
如嫌地遠縮何難先生闊別能輕舉弟子纔來學不食
篋裏生塵是閒樂外沾猶可救衰殘

一作顏

處州獻盧員外

纔下輶車卽歲豐方知盛德與天通清聲漸出寰瀛外
喜氣全歸教化中落地遺金終日在經年滯獄當時空
直緣後學無功業不慮文翁不至公

石門瀑布

奔傾漱石亦噴苔此是便隨

一作事皆從

元化來長片

一作片影

掛巖輕似練遠聲離洞咽於雷氣含

一作侵

松桂

一作樹

干

枝潤勢畫雲

一作煙

霞一道開直是銀河分派落無聞碎

滴濺天台

題仙巖瀑布呈陳明府

方知激蹙與噴飛直恐古今同一時遠壑流來多石脉
寒空撲碎作凌澌謝公巖上衝雲去織女星邊落地遲
聚向山前更誰測深沈見底是澄漪

贈山陰崔明府

用心何況兩衙間
退食孜孜亦不閒
壓酒曬書猶檢點
修琴取藥似交關
笙歌入夜舟中月
花木知春縣裏山
平叔正堪湯餅試
風流不合問年顏

山井

灑灑濕光凌竹樹
寥寥清氣襲衣襟
不知側穴通潮信
却訝輕漣動鏡心
夜久即疑星影過
早來猶見石痕深
輓轡用智終何益
抱甕遺名亦至今

偶作

直為篇章非動衆遂令軒蓋不經

一作輕

過未妨溪上泛

漁艇又為門前張雀羅夜學事

一作似

須憑雪照朝厨爭

奈絕煙何若於巖洞求倫類今古疎愚似我多

賊退後贈劉將軍

非唯吳起與穰苴今古推排盡不如白馬知無髀上肉

黃巾泣向箭頭書二

一作五

年戰地成桑若千里荒榛作

比問功業更多身轉貴佇看幢節引戎車

感時三首

不覺年華似箭流，朝看春色暮逢秋。
正嗟新塚垂青草，便見故交梳白頭。
雖道了然皆是夢，應還達者即無愁。
破除生死須齊物，誰向穹蒼問事由。

日烏往返無休息，朝出扶桑暮却迴。
夜雨旋驅殘熱去，江風吹送早寒來。
纔憐飲處飛花片，又見書邊聚雪堆。
莫恃少年欺白首，須臾還被老相催。

世途擾擾復憧憧，真恐華夷事亦同。
歲月自消寒暑內，

榮枯盡在是非中
今朝猶作青襟子
明日還成白首翁
堪笑愚夫足紛競
不知流水去無窮

牡丹

不逢盛暑不衝寒
種子成叢用法難
醉眼若為拋去一作
舍得狂心更擬折
來看凌霜烈火吹
無豔衰露陰霞曬
不乾莫道嬌紅怕
風雨經時猶自未凋殘

贈進士章碣

織錦雖云用舊機
抽梭起樣更新奇
何如且破望中葉

未可便攀低處枝
藉地落花春半後
打窗斜雪夜深時
此時才子吟應苦
吟苦鬼神知不知

與桐廬鄭明府

字人心苦達神明
何止重門夜不扃
莫道耕田全種秫
兼聞退食亦逢星
暝林顧兔停琴望
隔水寒猿駐筆聽
却恐南山盡無石
南山有石合為銘

謝王大夫奏表

非唯言下變榮衰
大海可傾山可移
如剖夜光歸暗室

似驅春氣入寒枝
死灰到底翻騰焰
朽骨隨頭却長肥
便殺微躬復何益
生成恩重報無期

送道人歸雋巖

舊巖終副却歸期
巖下有人應識師
目覩嬰孩成老叟
手栽松柏有枯枝
前山低校無多地
東海淺於初去時
若把古今相比類
姓丁仙鶴亦如斯

送錢特卿赴職天台

路入仙溪氣象清
垂鞭樹石罅中行
霧昏不見西陵岸

風急先聞瀑布聲
山下縣寮張樂送
海邊津吏棹舟迎
詩家弟子無多少
唯只於余別有情

題新竹

青苔斲破植貞堅
細碧竿排鬱眼鮮
小鳳凰聲吹嫩葉
短蛟龍尾裹輕煙
節環膩色端勻
粉根拔秋光暗
長鞭怪得入門肌
骨冷綴風粘月滿
庭前

哭王大夫

第二句
缺三字

俗人皆嫉謝臨川
果中常情

為政舊規方利國

降生直性已歸天峴亭惋咽知無極渭曲馨香莫計年
從此心喪應畢世忍看墳草讀殘篇

贈乾素上人

苦用貞心傳弟子即應低眼看公卿水中明月無踪跡
風裏浮雲可計程庭際孤松隨鶴立窗間清磬學蟬鳴
料師多劫長如此豈算前生與後生

題應天寺上方兼呈譙上人

中天坐卧見人寰峭石垂藤不易攀晴卷風雷歸故壑

夜和猿鳥鎖寒山勢橫綠野蒼茫外影落平湖瀲灩間
師在西巖最高處路尋之字一作見禪關

題法華寺絕頂禪家壁

蒼翠岩堯逼窅冥下方雷雨上方晴飛流便向砌邊挂
片月影從窗外行馴鹿不知誰結侶野禽都是自呼名
只應禪者無來去坐看千山白髮生

春日

春去春來似有期日高添睡是歸時雖將細雨催蘆笋

却用東風染柳絲
重霧已應吞海色
輕霜猶自剉花枝
此時野客因花醉
醉卧花間應不知

上越州楊巖中丞

連枝棣萼世無雙
未乘鴻鈞擁大邦
折桂早開推獨步
分憂暫輟過重江
晴尋鳳沼雲中樹
思遶稽山枕上窗
試把十年辛苦志
問津求拜碧油幢

月

桂輪秋半出東方
巢鶻驚飛夜未央
海上風雲搖皓影

空中露氣濕流光斜臨戶牖通宵燭迴照堦墀到曉霜
庾亮恃才高更逸方聞墨翰已成章

早春

運行元化不參差四極中華共一時正氣纔隨灰律變
殘寒便被柳條野一作梅欺冰融大澤朝陽覺草綠陳根夜
雨知不信風光疾於箭年來年去變霜髭

對花

清曉入花如步障戀花行步步遲遲含風欲綻中心朵

似火應燒外面枝野客須拚終日醉流鶯自有隔年期
使君坐處笙歌合便是列仙身不知

除夜

玉漏斯須即達晨四時吹轉任風輪寒燈短燼方燒臘
畫角殘聲已報春明日便為經歲客昨朝猶是少年人
新正定數隨年減浮世惟應百遍新

題松江驛

便向中流出太陽無疑大岸逼浮桑門前

一作樹間

白道通

丹闕浪裏青山占幾鄉帆勢落斜依浦溆鐘聲斷續在
滄茫古今悉不知天意偏把雲霞媚一方

思桐廬舊居便送鑒上人

莫道東南路不賒思歸一步是天涯林中夜半雙臺月

嚴光釣臺渚
有東西臺

洲上春深九里花

桐廬有
九里洲

綠樹遶村舍細

雨寒潮背郭卷平沙聞師却到鄉中去為我殷勤謝酒
家

送僧歸日本

四極雖云共二儀
晦明前後即難知
西方尚在星辰下
東域已過寅卯時
大海浪中分國界
扶桑樹底是天涯
滿帆若有歸風便
到岸猶須隔歲期

寧國寺

新城縣

深僻孤高無四鄰
白雲明月自相親
海中日出山先曉
世上寒輕谷未春
窗逼野溪聞唳鶴
林通村徑見樵人
此時惟有雷居士
不厭監輿去住頻

御定全唐詩卷六百五十二

欽定四庫全書

御定全唐詩卷六百五十三

方干

山中寄吳礪十韻

莫問終休否林中事已成盤飧憐火種歲計付刀耕
掬水皆花氣聽松似雨聲書空翹足臥避險側身行
果傍閒軒落蒲連濕岸生禪僧知見理妻子笑無名
更擬教詩一作書苦何曾待酒清石溪魚不大月樹鵲多驚砌下

通樵路窗間見縣城雲山任重疊難隔故交情

嘉興縣內池閣

指畫應心成周迴氣象清牀前沙鳥語案下錦鱗驚細
柳風吹旋新荷露壓傾微芳綠岸落迸笋入波生舴艋
舟中醉莓苔徑上行高人莫歸去此處勝蓬瀛

鏡湖西島言事寄陶校書

樵獵兩三戶凋疎是近隣風雷前壑雨花木後虫春文
字不得力桑麻難救貧山禽欺稚子夜犬吠漁人未必

聖明代長將雲水親知音不延薦何路出泥塵

贈趙宗侍御

一作贈趙
常六韻

貴達合逢明聖日風流又及少年時才因出衆人皆嫉

勢欲摩霄自不知正直

一作
迢遞

早年聞苦節從容此日見

清規却教鸚鵡呼桃葉便遣嬋娟唱竹枝閒話篇章停

燭久醉迷歌舞出花遲雲鴻別有迴翔便應笑啁啾

一作

燕雀早

叙龍瑞觀勝異寄于尊師

混元融結致功難山下平湖湖上山萬頃涵虛寒澗灩

千尋聳翠秀孱顏

一作關班

芰荷香入琴棋處雷雨聲離棟

牖間但有五雲依鶴嶺曾無陸路向人寰夜溪漱玉常

堪聽仙樹垂珠可要攀若棄榮名便居此自然浮

一作清

濁不相關

尊師前年三十從評事棄官入道

侯郎中新置西湖

遠近利民因智力周迴潤物像心源菰蒲縱感生成惠
鱸鮓那知廣大恩澗灩清輝吞半郭縈紆別派入遙村

砂泉遶石通山脈岸木粘萍是浪痕已見澄來連鏡底
兼知極處浸雲根波濤不起時方泰舟楫徐行日易昏
煙霧未應藏島嶼鳧鷖亦解避旌幡雖云桃葉歌還醉
却被荷花笑不言孤鶴必應思鳳詔一作凡魚豈合在
龍門能將盛事添元化一夕機謨萬古存

許員外新陽別業一作

墅

蘭汀橘島映亭

一作高

臺不是經心即手栽滿閣白雲隨

雨去一池寒

一作明

月逐潮來小松出屋和巢長新逕通

村避筭開柳絮風前欹枕臥荷花香裏棹舟一作釣魚迴園

中認

一作問

葉封林

一作分靈

草簷下攀枝落野梅莫恣高情

求逸思須防急詔用長材若一作苦因螢火終殘卷便把

漁歌

一作須把魚竿

送幾杯多謝郢中賢太守常一作當

時談笑

許追一作趨陪

李侍御上虞別業

滿目亭

一作高

臺嘉木

一作佳作

繁燕蟬吟語

一作吟燕語

不為喧

畫潮勢急吞諸島暑雨聲迴露半村真一作直為援毫方

掩卷常因按曲便開尊若將明月為儔侶應把清風遺
子孫繡羽驚弓離一作離米上紅鱗見餌出蒲根尋君未
要先敲竹且棹漁舟入大門

題懸溜巖隱者居

世人如要問生涯滿架堆牀是五車谷鳥暮蟬聲四散
修篁灌木勢交加蒲葵細織團圓扇薤葉平鋪合還花
却用水荷包綠李兼將寒井浸甘瓜慣緣嶮峭收松粉
常趁芳鮮掇茗芽池上樹陰隨浪動窗前月影被巢遮

坐雲獨酌杯盤濕穿竹微吟路徑斜見說公卿訪遺逸
逢迎亦是戴烏紗

山中言事八韻寄李支使

豈知經史深相悞兩鬢垂絲百事休受業幾多為弟子
成名一半作公侯前時射鵠徒拋箭此日求魚未上鉤
竹裏斷雲來枕上巖邊片月在牀頭過庭急雨和花落
遠舍澄泉帶葉流緬想遠書聆鵲喜窺尋嘉果覺猿偷
舊詩改處空留韻新醞嘗來不滿筩阮瑤如能問寒餒

風光當日入滄洲

山中言事寄贈蘇判官

集少執爨四
句作七言律

寸心似火頻求薦，兩鬢如霜始息機。
隔岸鷄鳴春耨去，鄰家犬吠夜漁歸。
倚松長嘯成踈拙，拂石欹眠絕是非。
執爨縱曾炊橡實，紉針曾解補荷衣。
常憑早月來張燭，亦假清風為掩扉。
多是一作謝元瑜憐野賤，時迴車馬發
光輝

獻王大夫

高情不與俗人知，耻學諸生取桂枝。荀宋五言行世早。

巢由三詔出溪遲。

大夫佳句云珠箔卷繁星金樽瀉明月行於世

操心已在精。

微域落筆皆成典，誥詞一鶚難成燕雀伍。非熊本是帝王師，賢臣雖蘊經邦術。明主終無諫獵時，莫道百僚憂禮絕。兼聞七郡怕天移，直緣材力頭頭贍。專被文星步，步隨不信重言通。造化須臾便可變，榮衰。

淺井

夜入明河星似少，曙搖澄碧扇風翻。細泉細脈難來到。

應覺添瓶耗舊痕

與徐溫話別

去去何時却見君
悠悠煙水似天津
明年今夜有明月
不是今年看月人

出東陽道中作

馬首寒山黛色濃
一重重盡一重重
醉醒已在他人界
猶憶東陽昨夜鐘

酬孫發

錦價轉高花更巧能將舊手弄新梭從來一字為褒貶
二十八言猶太多

送鄉中故人

少小與君情不踈聽君細話勝家書如今若到鄉中去
道我垂釣不釣魚

思江南

昨日草枯今日青羈人又動望鄉情夜來有夢登歸路
不到桐廬已及明

題寶林寺禪者壁

山名飛來岑

邃巖喬木夏藏寒
牀下雲溪枕上看
臺殿漸多山更重
却令飛去即應難

過李羣玉故居

訐直上書難
遇主銜冤下世未
成翁琴尊劍鶴誰將去
惟鎖山齋一樹風

題玉笥山強處士

酒裏藏身品裏居
刪繁自是一家書
世人呼爾為漁叟

爾學釣璜非釣魚

君不來

遠路東西欲問誰
寒來無處寄寒衣
去時初種庭前樹
樹已勝巢人未歸

經曠禪師舊院

谷鳥散啼如有恨
庭花含笑似無情
更名變貌難一作換面
無休息去去來來第幾生

江南聞新曲

席上新聲花下杯一聲聲被拍聲推樂工不識長安道
盡是書中寄曲來

經故侯郎中舊居

一朝寂寂與冥冥
樹未長墳草青
高節雄才向何處
夜闌空鎖滿池星

越中逢孫百篇

上才乘酒一作醉到山陰
日日成篇字字金
鏡水周迴千

萬頃波瀾倒瀉入君心

寄謝麟

越國雲溪秀發時
蔣京詞賦謝麟詩
後來若要知優劣
學圃無過老圃知

與長洲陳子美長官

枕上愁多百緒牽
常時睡覺在溪前
人前盡是交親力
莫道升沈總信天

新安殷明府家樂方響

葛溪鐵片梨園調
耳底丁東十六聲
彭澤主人憐妙樂

玉杯春暖許同傾

別殷明府

許教門館久踟躕
仲叔懷恩對玉壺
唯有離心欲銷客
空垂雙淚不成珠

送水墨項處士歸天台

仙嶠倍分元化功
揉藍翠色一重重
還家莫更尋山水
自有雲山在筆峰

贈會稽楊長官

直鉤終日竟無魚
鐘鼓聲中與世疎
若向湖邊訪幽拙
蕭條四壁是閒居

贈申長官

言下隨機見物情
看看獄路草還生
旅人莫怪無魚食
直為寒江水至清

將歸湖上留別陳宰

歸去春山逗晚晴
縈迴樹石罅中行
明時不是無知己
自憶湖邊釣與耕

貽亮上人

秋水一泓常見底
澗松千尺不生枝
人間學佛知多少
淨盡心花只有師

貽曦上人

四十年來多少人
一分零落九成塵
與師猶得重相見
亦是枯株勉強春

書原上鮑處士屋壁

水濶坐看千萬里
青蕪蓋地接天津
禰衡莫愛山中靜

遶舍山多却礙人

別孫蜀

吳越思君意易傷
別君添我鬢邊霜
由來淞水偏堪恨
截斷千山作兩鄉

贈江上老人

潭底錦鱗多識釣
未投香餌即先知
欲教魚目無分別
須學揉藍染釣絲

贈東溪貧道

非唯劍鶴獨難留
觸事皆聞被債收
賴是豪家念寒餒
却還漁島與漁舟

詠花

狂心醉眼共衰回
一半先開笑未開
此日不能偷折去
胡蜂直恐趁人來

路入金州江中作

棹尋椒岸縈迴去
數里時逢一兩家
知是從來貢金處
江邊牧豎亦披沙

夜會鄭氏昆季林亭

卷簾圓月照方塘坐久尊空竹有霜白犬吠風驚雁起
猶能一一旋成行

題黃山人庭前孤桂

映窗孤桂非手植子落月中一作明聞落時仙客此時頭
不白看來看去有枯枝

送僧南遊

三秋萬里五溪行風裏孤雲不計程若念猩猩解言語

放生先合放猩猩

惜花

可憐妍豔正當時剛被狂風一夜吹今日流鶯來舊處
百般言語殫空枝

題天柱觀魚尊師舊院

早識吾師頻到此芝童藥犬亦相迎今師一去無來日
花洞石壇空月明

東陽道中作

一作寒食日

百花香氣傍行人
花底垂鞭日易曛
野火不知寒食節
穿林轉壑自燒雲

題畫建溪圖

六幅輕綃畫建溪
刺桐花下路高低
分明記得曾行處
祇欠猿聲與鳥啼

蜀中

遊子去遊多不歸
春風酒味勝餘時
閒來却伴巴兒醉
萱蔻花邊唱竹枝

衢州別李秀才

千山紅樹萬山雲把酒相看日又曛
一曲驪歌兩行淚更知何處再逢君

題君山

曾于方外見麻姑聞說君山自古無
元是崑崙山頂石海風吹落洞庭湖

題嚴子陵祠二首

物色旁求至漢庭一宵同寢見交情
先生不入雲臺像

羸得桐江萬古名

蒼翠雲峰開俗眼
泓澄煙水浸塵心
惟將道業為芳餌

釣得高名直到今

此首一作
杜荀鶴詩

失題

十六聲中運手輕
一聲聲似自然聲
不緣精妙過流輩
爭得江南別有名

句

弟子已攀桂
先生猶臥雲

寄李頰及弟
兒鑒戒錄

把得新詩草


裏論

干師徐凝常刺凝云云
云反語為村裏老也

枯井夜聞鄰果落癡巢寒

見別禽來

胎天日中峰客
以上見紀事



御定全唐詩卷六百五十三

欽定四庫全書

集部
御定全唐詩卷六百五十四

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官庶吉士臣范鏊

謄錄監生臣戴朝琛

欽定四庫全書

御定全唐詩卷六百五十四

羅鄴

羅鄴餘杭人累舉進士不第光化中以韋莊奏追賜進士及第贈官補闕詩一卷

歲仗

玉帛朝元萬國來
鷄人曉唱五門開
春排北極迎仙馭
日捧南山入壽杯
歌舜薰風鏗劍佩
祝堯嘉氣霽

一作

仗

樓臺可憐四海車書共重見蕭曹佐漢材

牡丹

落盡春紅始著

一作見

花花時比屋事豪奢買栽池館恐

無地看到子孫能幾家門倚長衢攢繡轂

一作輓

幄籠輕

日護香霞歌鐘滿座

一作對此

爭歡賞肯信流年鬢有華

長城

當時無德御乾坤廣築徒勞萬古存謾役生民防極塞
不知血刃起中原珠璣旋見陪陵寢社稷何曾保子孫

降虜至今猶自說冤聲
夜夜傍一作城根

秋夕寄友人

秋夕蒼茫一雁過
西風白露滿宮莎
昨來京洛逢歸客
猶說軒車未渡河
莫把少年空倚賴
須知孤立易蹉跎
想君懷抱哀吟夜
銅雀臺前皓月多

冬夕江上言事五首

葉落纔悲草又生
看看少壯是衰形
關中秋雨書難到
江上春寒酒易醒
多少繫心身未達
尋思舉目淚堪零

幾時拋得歸山去松下看雲讀道經

喔喔晨雞滿樹霜喧喧曉渡簇舟航
數星昨夜寒爐火一陣誰家臘
瓮香久別羈孤成潦倒迴看書劍更蒼黃
逢人舉止皆言命至竟謀閒可勝忙

野堂吟罷獨行行點水微微凍不鳴
十里溪山新雪後千家襟袖曉寒生
只宜醉夢依華寢可稱羸蹄赴宿程
日苦幾多心一作言下見那堪歲晏又無成

僻居多與懶相宜吟擁寒爐過臘時
風柳欲生陽面葉

凍梅先綻嶺頭枝
山川自小拋耕釣
骨肉無因免別離
賴有陶情一尊酒
愁中相向展愁眉

一帶長溪綠浸門
數聲幽鳥啄雲根
松亭盡日唯空坐
難得儒翁共討論

春日宿崇賢里

柳暗榆飛春日深
水邊門巷獨來尋
舊山共是經年別
新句相逢竟夕吟
枕近禁街聞曉鼓
月當高竹見棲禽
勞歌莫問秋風計
恐起江湖垂釣心

征人

青樓一別戍金微
力盡秋來破虜圍
錦字莫辭連夜織
塞鴻長是到春歸
正憐漢月當空照
不奈胡沙滿眼飛
唯有夢魂南去日
故鄉山水路依稀

鶯

暖辭雲谷背殘陽
飛下東風翅漸長
却笑金籠是羈絆
豈知瑤草正芬芳
曉逢溪雨投紅樹
晚轉宮樓泣舊妝
何事離人不堪聽
灞橋斜日裏垂楊

槐花

行宮門外陌銅駝兩畔分
栽此最多欲到清秋近時節
爭開金蘂向關河層樓寄恨
飄珠箔駿馬憐香撼玉河
愁殺江湖隨計者年年為爾
剩奔波

自蜀入關

文戰連輸未息機
東書攜劔定前非
近來從聽事難得
休去且無山可歸
足馬出門還悵望
孤雲何處是因依
斜陽驛路西風緊
遙指人烟宿翠微

上陽宮

春半上陽花滿樓，太平天子昔巡遊。千門雖對一作高

山，在一笑還隨洛水流。深鎖笙歌巢燕聽，遙瞻金碧路

人愁。翠華却自登一作宮娥望不休。

舊侯家

臺閣層層倚半空，遠軒澄碧御溝通。金鈿座上歌春酒

畫蠟尊前滴曉風。歲月不知成隙地，子孫誰更繫殊功

人間若算無榮辱，却是扁舟一釣翁。

宿武安山有懷

野店暮來山畔逢寒蕪漠漠露華濃窗間燈在犬驚吠
溪上月沉人罷春遠別只愁添雪鬢此生何計隱雲峯
離心却羨南飛翼獨過吳江更數重

謁寧祠

春生溪嶺雪初開下馬雲亭酌一杯好是精靈偏有感
能於鄉里不為災九江賈客應遙祝五夜神兵數此來
盡室唯求多降福新年歸去便風催

經故洛城

一本此下有有感二字

一片危牆勢恐人牆邊日日走蹄輪築時驅盡千夫力
崩處空餘數里塵長恨往來經此地每嗟興廢欲霑巾
那堪又向荒城過錦雉驚飛麥隴春

老將

百戰辛勤歸帝鄉南班班裏最南行弓欺援臂秋無力
劍泣虬髯曉有霜千古恥非書竹帛一心猶自向河湟
年年宿衛天顏近曾把功勳奏建章

曲江春望

故國東歸澤國遙，曲江晴望憶漁樵。
都緣北闕春先到，不是南山雪易消。
瑞影玉樓開組繡，歡聲丹禁奏雲韶。
雖然未得陪鴛鴦，亦酌金觴祝帝堯。

帝里

喧喧蹄轂走紅塵，南北東西暮與晨。
謾道青雲難得路，何曾紫陌有閒人。
杯傾竹葉侯門月，馬落桃花御水春。
只合詠歌來大國，况逢文景化惟新。

新安城

若算防邊久遠名新安
豈更勝長城謾興他役悲荒壘
何似從今實取兵聖德便應同險固人心自不向忠貞
但將死節酬堯禹版築無勞寇已平

自遣

四十年來詩酒徒一生緣興滯江湖不愁世上無人識
唯怕村中沒酒沽春巷摘桑喧姪女江船吹笛舞蠻奴
焚魚酌醴醉堯代吟向席門聊自娛

流水

漾漾悠悠幾派分中浮短艇與鷗羣天街帶雨淹

一作舍

芳草玉洞漂花下白雲靜稱一竿持處見急宜

一作愁孤

館覺來聞隋家柳畔偏堪恨東入長淮日又曛

送張逸人

自說歸山人事賒素琴丹竈是生涯牀頭殘藥鼠偷盡
溪上破門風擺斜石井晴垂青葛葉竹籬荒映白茅花
遙知此去應稀出獨臥晴窗夢曉霞

春晚渡河有懷

煙收綠野遠連空，戍壘依稀入望中。
萬里山河星拱北，百年人事水歸東。
扁舟晚濟桃花浪，走馬晴嘶柳絮風。
鄉思正多羈思苦，不須迴首問漁翁。

春望梁石頭城

柳碧桑黃破國春，殘陽微雨望歸人。
江山不改興亡地，冠蓋自為前後塵。
帆勢掛風輕若翅，浪聲吹岸疊如鱗。
六朝無限悲愁事，欲下荒城迴首頻。

早發宜陵即事

霜白山村月落時一聲鷄後又登歧居人猶自掩關在
行客已愁驅馬遲身事不堪空感激鬢毛看著欲凋哀
青萍委匣休哮吼未有恩讐擬報誰

鴛鴦

紅閒

一作江雲碧霽

一作靜

瑞煙開錦翅雙飛

一作雙雙
一作輕飛

去又

迴一種鳥憐名字好盡

一作祇

緣人恨別離來暖依牛渚

汀莎媚夕宿龍池禁漏催相對若教春

一作泰

女見便須

攜向

一作鳳凰臺同上

春閨

愁坐蘭閨日過遲
卷簾巢燕羨雙飛
管絃樓上春應在
楊柳橋邊人未歸
玉笛豈能留舞態
金河猶自浣戎衣
梨花滿院東風急
惆悵無言倚錦機

贈東川梓桐縣韋德孫長官

前代高門今宰邑
懷才重義古來無
笙歌厭聽吟清句
京洛思歸展畫圖
蜀醞天寒留客醉
隴禽山曉隔簾呼

何年期拜朱幡貴馬上論詩在九衢

題水簾洞

亂泉飛下翠屏中名共真珠巧綴同一片長垂今與古
半山遙聽水兼風雖無舒卷隨人意自有潺湲濟物功
每向暑天來往見疑將仙子隔房櫳

野花

拂露叢開血色殷枉無名字對空山時逢舞蝶尋香至
少有行人輟擢攀若在侯門看不足為生江岸見如閒

結根畢竟輸桃李長近都城紫陌間

蘆花

如練如霜乾復輕西風處處拂江城長垂釣叟看不足
暫泊王孫愁亦生好傍翠樓裝月色枉隨紅葉舞秋聲
最宜羣鷺斜陽裏閑捕纖鱗傍爾行

山陽貽友人

性僻多將雲水便山陽酒病動經年行遲暖陌花攔馬
睡重春江雨打船閑弄玉琴雙鶴舞靜窺庭樹一絲懸

結茅更莫期深隱，聲價如今滿日邊。

長安惜春

千門共惜放春迴，半鎖樓臺半復開。
公子不能留落日，南山遮莫倚高臺。
殘紅似怨皇州雨，細綠猶藏畫蠟灰。
畢竟思量何足歎，明年時節又還來。

謝友人遺華陽巾

剪霧裁煙勝角冠，來從玉洞五雲端。
醉宜薤葉欹斜影，穩稱菱花子細看。
野客愛留籠鶴髮，溪翁爭乞配漁竿。

眞仙首飾勞相寄塵土翻慙戴去難

早梅

綴雪枝條似有情凌寒澹注笑妝成凍香飄處宜春早
素艷開時混月明遷客嶺頭悲裊裊美人簾下妬盈盈
滿園桃李雖堪賞要且東風晚始生

留題張逸人草堂

一作杜牧詩

長懸青紫與芳枝塵路無因免別離馬上多於在家日
尊前堪惜少年時關河客夢還鄉後雨雪山程出店遲

却羨高人此中

一作終此

老軒車過盡不知誰

鍾陵崔大夫罷鎮攀隨再經匡廬寺宿

一拋文戰學從公兩逐旌旗宿梵宮酒醒月移窗影畔
夜涼身在水聲中侯門聚散真如夢花界登臨轉悟空
明發不堪山下路幾程愁雨又愁風

留獻彭門郭常侍

受得彭門擁信旗一家將謂免羈離到來門館空歸去
羞向交親說受知層構尚無容足地尺波寧有躍鱗時

到頭忍恥求名是須向青雲覓路岐

洛水

一道潺湲濺暖莎年年惆悵是春過莫言行路聽如此
流水深宮悵更多橋畔月來清見底柳邊風緊一作綠
生波縱然滿眼添歸思未把漁竿奈爾何

聞杜鵑

花時一宿碧山前明月東風叫杜鵑孤館覺來聽半夜
羸僮相對亦無眠汝身哀怨猶如此我淚縱橫豈偶然

爭得蒼蒼知有恨
汝身成鶴我成仙

趨職單于留別闕下知己

職忝翩翩逐建牙
笑隨征騎入胡沙
定將千里書憑雁
應看一春雪當花
年長有心終報國
時清到處使營家
逢秋不擬同張翰
為憶鱸魚却歎嗟

落第書懷寄友人

清世誰能便陸沉
相逢休作憶山吟
若教仙桂在平地
更有何人肯苦心
去國漢妃還似玉
亡家石氏豈無金

且安懷抱莫惆悵
瑤瑟調高尊酒深

鸚鵡咏

玉檻瑤軒任所依
東風休憶嶺頭歸
金籠共惜好毛羽
紅觜莫教多是非
便向郗堂誇飲啄
還應禰筆發光輝
乘時得路何須貴
燕雀鸞凰各有機

題滄浪峽

門向紅塵日日開
入門襟袖遠塵埃
暗一作晴香惹步澗

花發晚景逼簷溪
鳥迴不為市朝行
路近有誰車馬看

山來可憐巖子持竿處雲水終年鎖綠苔

白角簾

疊玉駢珪巧思長露華煙魄讓清光休搖雉尾當三伏
似展龍鱗在一牀高價不唯標越絕冷紋疑似臥瀟湘
杜陵他日重歸去偏稱醉眠松桂堂

秋日懷江上友人

行子豈知煙水勞西風獨自泛征艘酒醒孤館秋簾卷
月滿寒江夜笛高黃葉夢餘歸朔塞青山家在極波濤

去年今日逢君處雁下蘆花猿正號

題笙

筠管參差排鳳翅月堂淒切勝龍吟最宜輕動纖纖玉
醉送當觀灑灑金緱嶺獨能徵妙曲羸臺相共吹清音
好將宮徵陪歌扇莫遣新聲鄭衛侵

下第

謾把青春酒一杯愁襟未一作寧信酒一作灑能開江邊依

舊空歸去帝里還如一作同不到來門掩殘陽鳴一作唯鳥

催
雀花飛何處好池臺此時惆悵便堪老何用人間歲月

秋晚

殘星殘月一聲鐘谷

水一作

際巖隈

根一作

爽氣濃不向碧

臺驚醉夢但來清鏡促愁容繁金露潔黃籠

荒籠一作泣

菊

獨翠煙凝遠澗松閑步幽林與苔徑漸移栖鳥及

息一作

鳴蛩

長安春夕旅懷

幾年栖旅寄西秦不識花枝醉過春短艇閑思五湖浪
羸蹄愁傍九衢塵關河風雨迷歸夢鐘鼓朝昏老此身
忽向太平時節過一竿持去老遺民

洛陽春望

洛陽春霽絕塵埃高少煙嵐畫障開草色花光惹襟袖
簫聲歌響隔樓臺人心便覺閒多少馬足方知倦往來
愁上中橋橋上望碧波東去夕陽催

惜春

燕歸巢後即離羣
吟倚東風恨日曛
一別一年方見我

遊來遊去

一作愁來愁去

不禁君鶯花御苑
看將盡絲竹侯家

亦少聞獨坐南樓正

一作最

惆悵柳塘花

一作飛

絮更紛紛

冬日旅懷

烏焰纔沈桂魄生
霜階擁褐暫吟行
閒思江市白醪滿
靜憶僧窗綠綺橫
塵土自憐長失計
雲帆尤覺有歸情
幾多悵望無窮事
空畫爐灰坐到明

春夕寄友人時有與歌者南北

芳徑春歸花半開
碧山波暖雁初迴
滿樓月色還依舊
昨夜歌聲自不來
愁眼向誰零
玉筋征蹄何處駐
紅埃中宵吟罷正惆悵
從此蘭堂鎖綠苔

春夜赤水驛旅懷

一星殘燭照離堂
失計遊心歸渺茫
不自尋思無道路
為誰辛苦競時光
九衢春色休回首
半夜溪聲正夢鄉
却羨去年買山侶
月斜漁艇倚瀟湘

春山

一作夜

山館旅懷

山館吟餘山月斜東風搖曳拂窗花豈知驅馬無閑日
長在他人後到家孤劍向誰開壯節流年催我自堪嗟
燈前結束又前去曉出石林啼亂鴉

秋夕旅懷

階前月色與蛩聲階上愁人坐復行秦谷入霜空有夢
越山無計可歸耕窮途若遣長堪慟華髮無因肯晚生
不似扁舟釣魚者免將心事算浮榮

春過白遙嶺

鳥道穿雲望峽遙，羸蹄經宿在宮堯。
到來山下春將半，上得林端雪未消。
返駕王尊何足歎，哭途阮籍謾無聊。
未知遇此恓惶者，泣向東風鬢欲凋。

洪邁取前四句為絕句

別夜

第七句
缺三字

秋入江天河漢清，迢迢鐘漏出孤城。
金波千里別來夜，玉筋兩行流到明。
若在人間須有恨，除非禪伴始無情。
人間誰有聚散自然惆悵生。

費拾遺書堂

滿袖歸來天桂香
紫泥重降舊書堂
自憐葦帶同巢許
不駕蒲輪佐禹湯
怪石盡含千古秀
奇花多吐四時芳
何人更肯追高躅
唯有樵童戲薜牀

溪上春望

無端溪上看蘭橈
又是東風斷柳條
雙鬢多於愁裏鑷
四時須向醉中銷
行人駿馬嘶香陌
獨我殘陽倚野橋
吟水詠山心未已
可能終不勝漁樵

獻池州庾員外

曾降瑤緘薦姓名攀雲幾合到蓬瀛須存彭壽千年在
終見茅公九轉成鯤海已知勞鶴使螢窗不那夢霓旌
琪花玉蔓應相笑未得歌吟從酒行

春風

每歲東來助發生舞空悠颺徧寰瀛暗添芳草池塘色
遠遶高樓簫管聲簾透驪宮偏帶恨花催上苑剩多情
如何一統車書日吹取青雲道路平

冬日寄獻庾員外

曾謁仙宮最上仙
西風許醉桂花前
爭歡酒蟻浮金爵
從聽歌塵撲翠蟬
秋霽捲簾凝錦席
夜闌吹笛稱江天
却思紫陌觥籌地
兔缺烏沈欲半年

釣翁

一作鄭谷詩

來往煙波非定居
生涯蓑褐一作笠外
無餘閑垂兩鬢任

如鶴只繫

一作祇把

一竿時得

一作釣

魚月浦扣船歌
皎潔雨

蓬隈岸臥蕭疎
行人誤話金張貴
笑指北邙丘與墟

聞友人入越幕因以詩贈

稽嶺春生酒凍銷煙鬟紅一作清袖恃嬌嬈岸一作峰邊叢

雪晴香老波上長虹晚影遙一作推正哭阮途歸未得更

聞江筆赴嘉招人間榮瘁真堪恨坐想征軒鬢一作未欲

凋

東歸

日日唯憂行役遲東歸可是有家歸都緣桂玉無門住

不算山川去路危一作非秦樹夢愁黃一作春鳥嚙吳江釣

憶一作垂錦鱗肥桃夭李一作杏艷清明近惆悵當年一作時

意盡違

入關

古道槐花滿樹開
入關時節一蟬催
出門唯恐不先到
當路有誰長待來
似箭年光還可惜
如蓬生計更堪哀
故園若有漁舟在
應掛雲帆早箇迴

覽陳丕卷

雪宮詞客燕宮遊
一軸煙花象外搜
謾把蜀紋當畫展
徒誇湘碧帶春流
吟時致我寒侵骨
得處疑君白盡頭

從北南歸明月夜嶺猿灘鳥更悠悠

巴南旅舍言懷

萬浪千巖首未回無慘相倚上高臺
家山如畫不歸去客舍似讐誰遣來
紅淚罷窺連曉燭碧波休引向春

一作

風 盃後時若有青雲望何事偏教羽翼摧

登凌歊臺

高臺今日一作竟一作境一作長閒因想興亡自慘顏
四海已

歸新雨露六朝空認舊江山
槎翹獨鳥沙汀一作畔風

汀一作洲

連檣雪浪間

一作風亞荒
榛雨雪間

好是輪蹄來往便誰人不

向此躋攀

僕射陂晚望

離人到此倍堪傷陂水蘆花似故鄉
身事未知何日了馬蹄唯覺到秋忙
田園牢落東歸晚道路辛勤北去長
却羨無愁是沙鳥雙雙相趁下斜

一作陽
殘

芳草

廢苑牆南殘

一作淺

雨中似袍顏色正蒙茸微香暗惹遊

人步遠綠纜分鬪雉蹤三楚渡頭長恨見五侯門外却
難逢年年縱有春風便馬跡車輪一萬重

秋日留題蔣亭

一作山

西風纔起一蟬鳴便算關河馬上程碧浪鷓舟從此別

丹青鵲箭忍

一作忽

無成二年芳思隨雲雨幾日

一作夕離

歌戀

一作怨一作望

旆旌回首橫塘更東望露煙菊倍傷情

早發

一點燈殘魯酒醒已攜孤劍事離程愁看飛雪聞鷓唱

獨向長空背雁行
白草近關微有路
一作露
濁河連底凍
無聲此中來往本迢遞
況是驅羸客塞城

雁二首

暮天新雁起汀洲
紅蓼花開水國愁
想得故園今夜月
幾人相憶在江樓

早背胡霜過戍樓
又隨寒日下汀洲
江南江北多離別
忍報年年兩地愁

螢二首

水殿清風玉戶開
飛光千點去還來
無風無月長門夜
偏到階前點綠苔

裊回無燭冷無煙
秋逕莎庭入夜天
休向書窗來照字
近來紅蠟滿歌筵

看花

花開只恐看來遲
及到愁如未看時
家在楚鄉身在蜀
一年春色負歸期

柳絮

處處東風撲晚陽
輕輕醉粉落無香
就中堪恨隋堤上
曾惹龍舟舞鳳凰

雲

紛紛靄靄遍江湖
得路為霖豈合無
莫使悠颺只如此
帝鄉還更暖蒼梧

芳草

曲江岸上天街裏
兩地縱生車馬多
不似一作是萋萋南

浦見晚來煙雨半相和

出都門

青門春色一花開
長到花時把酒杯
自覺無家似潮水
不知歸處去還來

宮中二首

芳草長含玉輦塵
君王遊幸此中頻
今朝別有承恩處
鸚鵡飛來說似人

雖然自小屬梨園
不識先皇玉殿門
還是當時歌舞曲
今來何處最承恩

河湟

河湟何計絕烽煙
免使征人更戍邊
盡放農桑無一事
遣教知有太平年

聞子規

蜀魄千年尚怨誰
聲聲啼血向花枝
滿山明月東風夜
正是愁人不寐時

望仙

一本有
臺字

千金壘土望三山
雲

一作望

鶴無蹤羽衛還
若說神仙求

便得茂陵何事在

一作
鷓鴣

人間

放鷓鴣

好傍青山與碧溪
刺桐毛竹

一作
羽

待雙栖
花時遷客傷

離別莫向相思樹上啼

驪山

風搖巖桂露聞香
白鹿驚時出繞牆
不向驪山鎖宮殿
可知仙去是明皇

梅花

繁如瑞雪壓枝開
越嶺吳溪免用栽
却是五侯家未識
春風不放過江來

鷄冠花

一枝穠艷對秋光
露滴風搖倚砌傍
曉景乍看何處似
謝家新染紫羅囊

汴河

煬帝開河鬼亦悲
生民不獨力空疲
至今嗚咽東流水
似向清平怨昔時

渡江有感

岸落殘紅錦雉飛
渡江船上夕陽微
一枝猶負平生意
歸去何曾勝不歸

題終南山僧堂

九衢終日見南山
名利何人肯掩關
唯有吾師達真理
坐看霜樹老雲間

大散嶺

過往長途日色稀
雪花如掌撲行衣
嶺頭却望人來處

特地身疑是鳥飛

嘉陵江

嘉陵南岸雨初收
江似秋嵐不煞流
此地終朝有行客
無人一為擢扁舟

早行

雨灑江聲風又吹
扁舟正與睡相宜
無端戍鼓催前去
別却青山向曉時

黃河曉渡

大河平野正窮秋
羸馬羸僮古渡頭
昨夜蓮花峰下月
隔簾相伴到明愁

溫泉

一條春水漱莓苔
幾繞玄宗浴殿回
此水貴妃曾照影
不堪流入舊宮來

秋怨

夢斷南窗啼曉鳥
新霜昨夜下庭梧
不知簾外如珪月
還照邊城到曉無

歎別

北來南去幾時休
人在光陰似箭流
直待江山盡無路
始因拋得別離愁

送春

欲別東風剩黯然
亦知春去有明年
世間爭那人先老
更對殘花一醉眠

蠟燭

煖香紅燭一時燃
緹幕初垂月落天
堪恨蘭堂別離夜

如珠似淚滴尊前

陳宮

白玉尊前紫桂香
迎春閣上燕雙雙
陳王半醉貴妃舞
不覺隋兵夜渡江

水簾

萬點飛泉下白雲
似簾懸處望疑真
若將此水為霖雨
更勝長垂隔路塵

賞春

一作芳草一作春
遊鬱然有懷賦

芳草和煙暖更青
閑門要路一時生
年年點檢人間事
唯有春風不世情

歎平泉

一作傷
平泉莊

生前幾到此亭臺
尋歎投荒去不回
若遣春風會人意
花枝盡合向南開

長安春雨

兼風颯颯灑皇州
能滯輕一作春寒阻勝遊
半夜五侯池館裏
美人驚起為花愁

駕蜀回

上皇西幸却歸秦
花木依然滿禁春
唯有貴妃歌舞地
月明空殿鎖香塵

吳王古宮井二首

古宮荒井曾平後
見說耕人又鑿開
拾得玉釵鐫勅字
當時恩澤賜誰來

含青薜荔隨金甃
碧砌磷磷生綠苔
莫言數尺無波水
曾與如花竝照來

江帆

別離不獨恨
蹄輪渡口風帆發
更頻何處青樓方
凭檻
半江斜日認歸人

為人感贈

歌舞從來最得名
如今老寄洛陽城
當時醉送龍驤曲
留與誰家唱月明

春江恨別

望斷長川一葉舟
可堪歸路更沿流
重來別處無人見

芳草斜陽滿渡頭

歎流水二首

人間莫

一作虛

謾惜花落花落明年依舊開却最堪悲是

流水便同人事去

一作更

無迴

龍躍虬蟠旋作潭繞紅濺綠下東南春風散入侯家去
漱齒花前酒半酣

落第東歸

年年春色獨懷羞彊向東歸懶舉頭莫道還家便容易

人間多少事堪愁

鏡

昔歲相知

一作宜

別有情幾

一作十

迴磨拭始將行如今老

去

一作漸老

愁無限抱

一作把

向閒窗却怕明

南行

臘晴江煖鷓鴣飛梅雪香粘越女衣
市酒村相識徧短船歌月醉方歸

公子行

金

一作
雕

鞍玉勒照花明
過後春

一作
香

風特地生半醉五

侯門裏出月高猶在禁街行

春日偶題城南韋曲

韋曲城南錦繡堆
千金不惜買花栽
誰知豪貴多羈束
落盡春紅不見來

上東川顧尚書

輕財重義真公子
長策沈機繼武侯
龍節坐持兵十萬
可憐三蜀盡無憂

過王濬墓

埋骨千年近路塵
路傍碑號晉將軍
當時若使無功業
早箇耕桑到此墳

灞上感別

灞水何人不別離
無家南北倚空悲
十年此路花時節
立馬霑襟酒一卮

春日與友人話別

坐酌對芳草東風吹
旅衣莫嫌驅馬倦
自未有山歸華

髮期先逼青雲計又非離襟一霑灑廻首正殘暉

竹

翠葉纔分細細枝清陰猶未上階墀蕙蘭雖許相依日
桃李還應笑後時抱節不為霜霰一作雪改成林終與鳳

凰期渭濱若更徵賢相好作漁竿繫釣絲

邊將

馬上乘秋欲建勳飛狐夜鬪出師頻若無紫塞煙塵事
誰識青樓歌舞人戰骨沙中金鏃在賀筵花畔玉盤新

由來邊卒皆如此只是君門合殺身

巴南旅泊

巴山慘別魂巴水徹荆門此地若重到居人誰復存
落帆紅葉渡駐馬白雲村却羨南飛鴈年年到故園

河上逢友人

知君意不淺立馬問生涯薄業無歸地他鄉便是家
宵吟憐桂魄朝起怯菱花語盡黃河上西風日又斜

偶題離亭

萬般名利不關身况待山平海變塵五月波濤爭下峽
滿堂金玉為何人謾誇浮世青雲貴未盡離杯白髮新
誰似雨蓬蓬底客渚花汀鳥自相親

夏晚望嵩亭有懷

正憐雲水與心違湖上亭高對翠微盡日不妨憑檻望
終年未必有家歸青蟬漸傍幽叢噪白鳥時穿返照飛
此地又愁無計住一竿何處是因依

途中寄友人

秋庭悵望別君初折柳分襟十載餘相見或因中夜夢
寄來多是隔年書攜樽座外花空老垂釣江頭柳漸疎
裁得詩憑千里雁吟來寧不憶吾廬

傷侯第

世間榮辱半相和昨日權門今雀羅萬古明君方納諫
九江遷客更應多碧池草熟人偷釣畫戟春閒鶯亂過
幾許樂僮無主後不離鄰巷教笙歌

春日過壽安山館

舊國多將泉石親，西遊愛此拂行塵。
簾開山色離亭午，步入松香別島春。
誰宜暫安耕釣地，相逢謾歎路岐身。
歸期不及桃花水，江上何曾鱸雪鱗。

吳門再逢方干處士

天上高名

一作才

世上身垂綸，何不駕蒲輪。
一朝卿相俱

前席，千古篇章冠後人。
稽嶺不歸空挂夢，吳

一作燕

宮相

值欲霑巾，吾王若致昇平化，
可獨成周只渭濱。

蟬

纔入新秋百感生。就中蟬噪最堪驚。能催時節凋雙鬢。

愁到

一作對

江山聽一聲。不傍管絃拘醉態。偏依楊柳撓

一作引

離情。故園聞處猶惆悵。況是經年萬里行。

秋日留別義初上人

寒寺窮秋別遠師。西風一雁倍傷悲。每嗟塵世長多事。
重到禪齋是幾時。霜嶺自添紅葉恨。月溪休和碧雲詞。
關河回首便千里。飛錫南歸詎可知。

夏日宿靈巖寺宗公院

寺入千巖石路長孤吟一宿遠公房卧聽半夜杉壇雨
轉覺中峰枕簟涼花界已無悲喜念塵襟自足是非妨
他年縱使重來此息得心猿鬢已霜

冬日廟中書事呈棲白上人

日高荒廟掩雙扉杉逕無人鳥雀悲昨日江潮一作湖起

歸思滿窗風雨覺來時何堪身計長如此閑盡爐灰却
是疑賴有碧雲吟句客禪餘相訪說新詩

夏日題遠公北閣

危閣壓山岡，晴空疑鳥行。
勝搜花界盡，響益梵音長。
有月堪先到，無風亦自涼。
人煙紛繞渚，樹共蒼蒼榻。
戀高樓語甌，憐畫茗香。此身閑未得，驅馬入殘陽。

秋蝶二首

秦樓花發時，秦女笑相隨。
及到秋風日，飛來欲問誰。
似厭栖寒菊，翩翩占晚陽。
愁人如見此，應下淚千行。

秋別

別路垂楊柳，秋風淒管絃。
青樓君去後，明月為誰圓。

共友人看花

愁將萬里身來伴看花人何事獨惆悵故園還又春

行次

終日長程復短程一山行盡一山青路傍君子莫相笑
天上由來有客星

鳳州北樓

城上層樓北望時閑雲遠水自相宜人人盡道堪圖畫
枉遣山翁醉習池

贈僧

繁華舉世皆如夢
今古何人肯暫閑
唯有東林學禪客
白頭閒坐對青山



御定全唐詩卷六百五十四